



ქალაქ ფოთის მუნიციპალიტეტის საკრებულო

განკარგულება № 13/68

2021 წლის 25 ნოემბერი

ქალაქი ფოთი

ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე

საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 91-ე მუხლის, მე-4 პუნქტისა და საქართველოს საბიუჯეტო კოდექსის 78-ე მუხლის მე-3 პუნქტის შესაბამისად, ბიუჯეტის პროექტთან დაკავშირებით შენიშვნების არსებობის შემთხვევაში საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მუნიციპალიტეტის მერს.

ქალაქ ფოთის მუნიციპალიტეტის საკრებულოს კომისიებს დადგენილების პროექტთან „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ დაკავშირებით გააჩნიათ შენიშვნები.

ამდენად, მიზანშეწონილია, ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს.

ზემოთაღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიების და ფრაქციის დასკვნები თან ერთვის).

მუხლი 2.

ქალაქ ფოთის მუნიციპალიტეტის მერმა აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარის მოვალეობის
შემსრულებელი, თავმჯდომარის მოადგილე



აკაკი დარჯანია

ქალაქ ფოთის მუნიციპალიტეტის საკრებულო საფინანსო-საბიუჯეტო კომისია

№14

22.11.2021 წ.

დ ა ს კ ვ ნ ა

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“.
კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

1. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 266,9 ათ. ლარით და განისაზღვროს 2081,9 ათ. ლარით, აქედან:
 - ა) შრომის ანაზღაურება გაიზარდოს 69,4 ათ. ლარით და განისაზღვროს 1236,2 ათ. ლარით;
 - ბ) შტატგარეშე შრომის ანაზღაურება გაიზარდოს 36,0 ათ. ლარით და განისაზღვროს 279,6 ათ. ლარით;
 - გ) მივლინება ქვეყნის გარეთ გაიზარდოს 10,0 ათ. ლარით და განისაზღვროს 10,0 ათ. ლარით;
 - დ) გაიზარდოს ოფისის ხარჯები 51,0 ათ. ლარით და განისაზღვროს 104,0 ათ. ლარით, მათ შორის:
 - ნორმატიული აქტების, საცნობარო და სპეციალური ლიტერატურის, ჟურნალ-გაზეთის შეძენის და ყველა სახის საგამომცემლო-სასტამბო (არაძირითადი საქმიანობის) ხარჯები 10,0 ათ. ლარით და განისაზღვროს 23,0 ათ. ლარით;
 - გაიზარდოს ტელეფონისა და ფაქსის აპარატის შეძენის ხარჯი 0,5 ათ. ლარით და განისაზღვროს 0,5 ათ. ლარით;
 - გაიზარდოს გამათბობელი და გამაგრილებელი ტექნიკის ხარჯი 0,5 ათ. ლარით და განისაზღვროს 0,5 ათ. ლარით;
 - გაიზარდოს კავშირგაბმულობის ხარჯები 17,0 ათ. ლარით და განისაზღვროს 37,0 ათ. ლარით;
 - გაიზარდოს სხვა მცირეფასიანი საოფისე ტექნიკის (ტელევიზორები) შეძენისა და დამონტაჟების ხარჯები 2,0 ათ. ლარით და განისაზღვროს 3,0 ათ. ლარით;
 - გაიზარდოს ასლგადამღების ხარჯი 4,0 ათ. ლარით და განისაზღვროს 4,0 ათ. ლარით;
 - გაიზარდოს საოფისე ავეჯის ხარჯები 15,0 ათ. ლარით და განისაზღვროს 15,0 ათ. ლარით;
 - გაიზარდოს ოფისის ხარჯები, რომელიც არ არის კლასიფიცირებული 2,0 ათ. ლარით და განისაზღვროს 5,0 ათ. ლარით;

- საწვავ-საპოხი მასალების შეძენის ხარჯი გაიზარდოს 62,0 ათ. ლარით და განისაზღვროს 127,0 ათ. ლარით, აქედან:
 - ა) ბენზინი - 60,0 ათ. ლარით;
 - ბ) ზეთი - 2,0 ათ. ლარით;
 - ა/მანქანის მიმდინარე რემონტის ხარჯი გაიზარდოს 7,0 ათ. ლარით და განისაზღვროს 7,0 ათ. ლარით;
 - ექსპლუატაციის, მოვლა-შენახვის და სათადარიგო ნაწილების შეძენის ხარჯები გაიზარდოს 4,0 ათ. ლარით და განისაზღვროს 4,0 ათ. ლარით.
- 3) გაიზარდოს სხვა დანარჩენი საქონელისა და მომსახურების (საარქივო მომსახურება) ხარჯები 0,5 ათ. ლარით და განისაზღვროს 2,5 ათ. ლარით;
- ზ) გაიზარდოს სხვა (სატრანსპორტო საშუალებების დაზღვევა) ხარჯები 2,0 ათ. ლარით და განისაზღვროს 236,0 ათ. ლარით;
- თ) გაიზარდოს არაფინანსური აქტივების ზრდა 25,0 ათ. ლარით და განისაზღვროს 45,0 ათ. ლარით;
- მათ შორის:
- ავეჯის შეძენა - 5,0 ათ. ლარით;
 - კომპიუტერის შეძენა - 20,0 ათ. ლარით.


2. გაიზარდოს რელიგიური ორგანიზაციების ხელშეწყობის (ცოდი 05 03) ხარჯები 10,0 ათ. ლარით და განისაზღვროს 70,0 ათ. ლარით.

ფოთის საკათედრო ტაძარი სულიერი ცხოვრების ცენტრთან ერთად წარმოადგენს დიდი ისტორიული და კულტურული ღირებულებების მქონე არქიტექტურულ კომპლექსს. ეს არის უნიკალური პროექტი, რომელიც ურბანული თვალსაზრისით არის ქალაქის მთავარი შემკრები ცენტრი, სადაც ყველა ცენტრალური, სხივურად გაშლილი 12 ქუჩა უერთდება ტაძარს.

ადგილობრივი ბიუჯეტის მხარდაჭერით ყოველწლიურად შესაძლებლობის ფარგლებში ბოლო 15 წლის მანძილზე ხორციელდებოდა ფოთის საკათედრო ტაძარში სხვადასხვა პროექტების დაფინანსება, რაც უნიკალური არქიტექტურული კომპლექსისათვის სასიცოცხლოდ აუცილებელია. სამწუხაროდ, 2022 წლის თანხები არ არის გათვალისწინებული. აუცილებლად მიგვაჩნია, 2022 წლის ბიუჯეტით წარმოდგენილ პროგრამებში აისახოს ამ მიმართულებით გარკვეული ხარჯები.

აქედან გამომდინარე, კომისიას მიზანშეწონილად მიაჩნია, დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს, აღნიშნული შენიშვნებისა და საკრებულოს კომისიებიდან და ფრაქციიდან შემოსული შენიშვნა-რეკომენდაციების გათვალისწინებით (თან ერთვის).

კომისიის თავმჯდომარე



თორნიკე კირთაძე

საქართველო

ქალაქ ფოთის მუნიციპალიტეტის საკრებულო
სივრცით-ტერიტორიული დაგეგმარების და ინფრასტრუქტურის
კომისია

№10/18

22 ნოემბერი 2021 წელი

დასკვნა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ განხილა საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“.

კომისიას დადგენილების პროექტთან გააჩნია შემდეგი შენიშვნები, კერძოდ:

1. ქალაქში მრავალბინიანი საცხოვრებელი სახლების ლიფტები არის სავალალო მდგომარეობაში გამოინახოს თანხები რამოდენიმე ლიფტის რეაბილიტაციისათვის (ახლების შესაძენად)
2. დაემატოს ა(ა)იპი „ქალაქ ფოთის მუნიციპალიტეტის სასაფლაოების მოვლა - პატრონობის ცენტრი“-ს 25 ათასი ლარი (პროგრამული კოდო 02.06.03);

შესაბამისი ფინანსური რესურსების არსებობის შემთხვევაში თანხები მიმართული იქნეს ინფრასტრუქტურული საკითხების გადასაწყვეტად.

ზემოაღნიშნულიდან გამომდინარე კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე

თორნიკე ხარჩილავა

საქართველო

ქალაქ ფოთის მუნიციპალიტეტის საკრებულო
ქონების მართვისა და ბუნებრივი რესურსების საკითხების კომისია

№9/38


19 ნოემბერი 2021 წელი

დასკვნა

ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“.

კომისიას ქონებისა და ბენებრივი რესურსების კუთხით დადგენილების პროექტში შენიშვნები არ გააჩნია

კომისიის თავმჯდომარე

ო. 

თემურ დუნდუა

ქალაქ ფოთის მუნიციპალიტეტის საკრებულო სოციალურ საკითხთა კომისია

№ 03/3

22.11.2021

დასკვნა

ქალაქ ფოთის მუნიციპალიტეტის საკრებულოს სოციალურ საკითხთა კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახური. (მოსახლეობის მედიკამენტებით უზრუნველყოფა) ქვეპროგრამის კოდი: 06 02 02

მოსახლეობის მედიკამენტების უზრუნველყოფის პროგრამის ქვეპუნქტებში არ მოხდეს თანხების გამიჯნვა.

სოციალური საკითხთა კომისია ეთანხმება „ქალაქ ფოთის მუნიციპალიტეტის 2022 წლის ბიუჯეტს, შემდეგი შენიშვნების გათვალისწინებით.

1. გთხოვთ ქალაქ ფოთის მუნიციპალიტეტის 2022 წლის ბიუჯეტში, გაითვალისწინოთ, ღია სივრცეებში კულტურული ღონისძიებების ჩასატარებლად სცენის, გახმოვანების, განათების და ეკრანის შეძენა.

სოციალური კომისიის თავმჯდომარე

ბაქარი ერაგია

საქართველო

ქალაქ ფოთის მუნიციპალიტეტის საკრებულო

იურიდიულ, სამანდატო, საპროცედურო საკითხთა და ეთიკის კომისია

24 ნოემბერი, 2021 წელი

N8/1

დასკვნა

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“.

ზემოხსენებულ საკითხთან დაკავშირებით კომისიამ დაადგინა:

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ საკრებულოს დადგენილების პროექტი (შემდგომში -დადგენილების პროექტი).

ამასთანავე, კომისიას გააჩნია გარკვეული შენიშვნები წარმოდგენილ დადგენილების პროექტთან დაკავშირებით, კერძოდ: საქართველოს ორგანული კანონის „ადგილობრივი თვითმმართველობის კოდექსი“ 36-ე მუხლის პირველი პუნქტი, 38-ე მუხლის მე-2 პუნქტში შეტანილი ცვლილების (2021 წლის 19 ნოემბრის ცვლილება) შესაბამისად, შეტანილი ცვლილების (გარდა ქალაქ თბილისის მუნიციპალიტეტისა) საკრებულოებს დაემატათ მუნიციპალიტეტების (გარდა ქალაქ თბილისის მუნიციპალიტეტისა) საკრებულოებს დაემატათ საკრებულოს თავმჯდომარის პირველი მოადგილისა და მოადგილის თანამდებობა, საკრებულოს ამასთანავე, მუნიციპალიტეტის საკრებულოს ფრაქციის თავმჯდომარეს, ყოველ 3 წევრზე უფლებამოსილია ჰყავდეს ერთი მოადგილე (არაუმეტეს 7 მოადგილე). ამდენად, ზემოხსენებული პროექტის ხარჯები გასათვალისწინებელია ქალაქ ფოთის მუნიციპალიტეტის 2022 წლის ბიუჯეტის პროექტში.

კომისიას მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

იურიდიულ, სამანდატო, საპროცედურო

საკითხთა და ეთიკის კომისიის თავმჯდომარე

3 იან
დავით კვიციანი

**ქალაქ ფოთის მუნიციპალიტეტის საკრებულო
ფრაქცია „ქართული ოცნების“ სხდომის**

N 10

24 ნოემბერი 2021 წელი

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2022 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის პრიორიტეტების დოკუმენტი.

ფრაქცია „ქართული ოცნება“ იწონებს კომისიების მიერ გამოთქმულ წინადადებებს და შენიშვნებს, განსაკუთრებულად გამოყოფს შემდეგი ხასიათის წინადადებებს, კერძოდ:

ქალაქში მრავალბინიანი საცხოვრებელი სახლების ლიფტები არის სავალალო მდგომარეობაში. გამოინახოს თანხები ეტაპობრივად, შეაძლებლობის ფარგლებში, ახალი ლიფტების შესაძენად

• თანხა დაემატოს ა(ა)იპი „ქალაქ ფოთის მუნიციპალიტეტის სასაფალაობის მოვლა-პატრონობის ცენტრს“ სასაფლაოების მოვლა-პატრონობისათვის (პროგრამული კოდი 02.06.03)

• გამოიყოს თანხები მინი სპორტული მოედნების მოვლა-პატრონობისთვის, რეაბილიტაციისთვის, სარემონტო სამუშაოებისთვის და ახლი მოედნების მოწყობისთვის

• მოძიებულ იქნას თანხები ატრაქციონების და ტრენაჟორების შემენა-მონტაჟისთვის

ამდენად, ქალაქ ფოთის მუნიციპალიტეტის საკრებულოს ფრაქცია „ქართულ ოცნებას“ მიზანშეწონილად მიაჩნია ზემოხსენებული შენიშვნების გათვალისწინების მიზნით, საკრებულოს დადგენილების პროექტი დაუბრუნდეს მერს.

ფრაქცია „ქართული ოცნების“ თავმჯდომარე  ბამსონ კუტალია